

重要電報

又擊落倭機卅三架

米爾本二號電。聯軍司令部稱。聯軍機隊在澳大利亞東北部。又擊落敵機三十三架。據軍人之意見。倭寇與聯軍在南太平洋之決戰。不日可以實現。

同盟國之陸軍統帥賈廉米氏。同日亦謂日軍在澳洲東北。確已增援。其目的或在搶奪我國外藩。或遮斷澳洲接濟路線。

緬甸仍然要求自治


曼德來二號電。緬甸於抗戰當中。人民仍要求自治。自克立甫爵士到達印度後。此說益為濃厚。緬總督最會表示。擬請英京命克立甫。於印度公事。順道來緬壹行。無如克立甫赴印之使命失敗。故打消成議。

在金融上言。緬甸已達極度困窮。差幸英國借款維持。尚可支持難關。至若緬北糧食。聞尚可用。惟食鹽確已感覺缺乏。而汽油將須完全統制。禁止民用。

美飛虎炸象運輸隊

重慶卅號電。今據由緬甸曼德來到渝者言。美國志願飛機隊最近曾猛炸日方之象運輸隊。為數多至數千。據稱英軍在緬施行焦土政策。頗為澈底。日方仍不能不用象運輸。由泰國運械入緬。頗聞英軍施行焦土政策後。日方極感混亂。良以英軍撤退時。居民動輒隨之遷徙。日軍每據一處。靡特無物質可搶。亦無人可用。而美飛機隊于炸擊日方象時。多用燃燒彈投擲。使大象狂奔亂跑。此外英當局亦利用許多大象。協助居民由曼德來一帶疏散。計由曼德來至印度。需時廿日。有六日須完全步行。大象為難民背負物件。比於由印返緬時。則為英軍背運接濟品云。

圖為法國波洛業風景。在巴黎西北境。為前世界大戰後迭次會議之重要地點。工廠林立。故英軍近來。向該處劇烈轟炸。毀壞軍事要點甚重。



積極設法增加煤油

重慶二日電。官報。自荷印煤油區被日軍佔領後。中國益感燃料缺乏。故乃積極增加國內之煤油出產。據報經濟部長翁文灝博士。偕專家兩人。已抵甘肅蘭州。視察甘肅煤油局主持開發之煤油場。同時并設法改良中俄運輸線。以便可由蘇俄增運煤油。取道新疆入華。

我國加緊限制汽油

聯合社重慶電。國府當局雖謂中國積存之汽油能供應軍事急需。惟當局以日軍侵緬局勢吃緊。中國汽油接濟愈受威脅。故今再下令限制汽車之駛用。今後凡有政府特許之汽車。方能購買汽油。重慶前此原有汽車約一千架。惟現下繼續行駛者僅餘二百架。各國使館亦以汽油價格增至每加倫美金四元。故減少使用汽車云。

荷蘭船開行後沉沒

路易斯二號電。美海軍部今日宣佈。美艦救護荷蘭船員廿七名。據其船主稱。該船離東部一港四小時後。即被敵艇用魚雷轟擊。于五分鐘內全船沉沒。有六名船員失蹤。其餘逃生後。兩句鐘獲救云。

美客機失事斃多命

美國所派二號電。美統一民航機。昨夜十一點廿分。由三藩市往所羅門。至離埠三英里處。忽觸安勝山嶺。當場起火焚燒。機內成人搭客十三名。小童兩名。管駕員三名。無一倖免。該航空公司當局派出之訪尋隊。於清晨由毀機內將十八具屍首移出。據一目睹擊事者拉臣稱。他夜聞飛機聲如雷鳴。旋聞碰觸聲。及在其家望見火光。乃即跑往該地點。見機內人俱已死去云。

雲哥華
重新
本旅館新
大加改良
舍通爽汽
清潔水喉
富往來便
特別歡迎
電話一
司理人

東亞旅館
TUNG AH ROOMS
101 Pender St. E.
Vancouver, B.C.

▲全加門總幹
為通告事。照得
三月廿一日(即
五月五日)殉
命先烈 陳近
之辰。凡我加
團體。務於該日
紀念會。藉以
革命先烈排除
恢復漢土之殊
應互相策勵益
。內殲奸賊。外
寇。誓達我帝
正自由平等而
特此通告。祈
毋違。
大中華民國卅一年四月

欲知一生之禍福

法華靈藥